



Pele Broberg, Naleraq
Inatsisartunut ilaasortaq
inatsisartut@inatsisartut.gl

**Najugaqarnissamik piumasaqaat pillugu inatsisiliornermi isumalluutini
atuisarneq, piffissami killilimmi nunaminertamik atuisinnaanermut akuersissutit
aamma nuunnermi atorunnaarsitsisarneq pillugit § 37 naapertorlugu apequtit
2026-144-p akissuteqarfigineqarnera**

Dato: 12-08-2026
Sagsnr.: 2026 - 13974
AKT. ID.: 26697471

Asasara Pele Broberg

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut ileqqoreqqusaanni § 37 naapertorlugu Naalakkersuisunut najugaqarnissamik piumasaqaat pillugu inatsisiliornermi isumalluutini atuisarneq, piffissami killilimmi nunaminertamik atuisinnaanermut akuersissutit aamma nuunnermi atorunnaarsitsisarneq pillugit apequteqarputit. Apequtitit uannit akisassanngorlugit innersuunneqarput. Apequtigineqartut tullinnguuttuni ataasiakkaarlugit uteqqinneqarput akiortorneqarlutillu.

Inuussutissarsiortut pigisanik aalaakkaasunik atuisinnaanerinut maleruagassanut aamma nunaminertamik atuisinnaanermut akuersissutit maleruagassartaannut apequtit tunngasuummata, nunaminertamik atuisinnaanermut akuersissutit akissutaasa tapiinik Aningaasaqarnermut Naalakkersuisoqarfimmut pissarsiniartoqarnikuvoq, matumani nunaminertamik atuinissamut akuersissutit sivisunerpaamik ukiuni qulini atuuttarneri pillugit apequtit, ataavartumik nuunnermi atorunnaarsitsisarneq pillugu apequtit, kommunit nunaminertamik atuisinnaanermut nalunaarsuiffii aamma nunaminertamik atuisinnaanermik oqartussat allaffissorneri pillugit apequtit akissutissartai ilanngullugit.

Apequt 1: Pigisamik aalaakkaasumik piginnaatitaaffimmik imaluunniit nunaminertamik atuisinnaatitaanermik pissarsinermi ukiut tallimat siuliini aalajangersimasumik najugaqarsimanissamik piumasaqaateqalernissaq, nunaminertamik atuisinnaatitaanissamut akuersissutit sivisunerpaamik ukiuni qulini atuuttarnissaat kiisalu ataavartumik nuunnermi piginnaatitaaffiup atorunnaartarnissaa pillugit inatsisissatut siunnersuummik, nalunaarutini pisariaqartunik ilitersuutinillu suliaqarnermut allaffissornikkut isumalluutini qanoq annertutigisumik atuinissaq, AC-mut sulisut ukiumut sulinerisa annertussusiattut koruuninngorlugulu naatsorsorlugu, Naalakkersuisut naliliippat?

Akissut: Inuussutissarsiortut pigisanik aalaakkaasunik piginnaatitaaffimmik pisisarneq imaluunniit atuisinnaatitaaffii pineqartillugit inatsit atuuttoq Pigisanik aalaakkaasunik piginnaatitaaffimmik pisisarneq imaluunniit atuisinnaatitaaneq pillugu Inatsisartut inatsisaat nr. 78 21. november 2025-meersoq malinneqartarpoq.

Inatsisartut inatsisaat naapertorlugu inuit danskisut innuttaassuteqanngitsut pigisanik aalaakkaasunik piginnaatitaaffimmik pissarsinnaapput imaluunniit atuisinnaatitaapput,

inuk pineqarteq Kalaallit Nunaanni aalaakkaasunik najugaqarpat imaluunniit inuit allattorsimaffianni najugalittut nalunaarsorsimappat aamma ukiut siulii marluk sivilisunerusumilluunniit inuit allattorsimaffianni nalunaarsorsimassaaq, aamma Kalaallit Nunaannut tamakkiisumik akileraartussaataappat aamma piffissap taassuma sivilisoqataanik akileraartarsimappat.

Taamaattumik pigisanik aalaakkaasunik piginnaatitaaffimmik pissarsisinnaapput imaluunniit atuisinnaatitaanermi ukiut marluunniit tallimanut najugaqarsimanissamik allanngortitsiniarneq Inatsisartut Inatsisaannik allannguineramik pisariaqartitsissaaq.

Periutsip qanorittup atorneqarnera allaffissornikkut isumalluutitik atuinermut aalajangiisuusarpoq. Allannguut immiini pigisanik aalaakkaasunik siunissami pissarsisinnaanermut taamaallaat atuutissaaq imaluunniit uppersaasarsuinissamik, nakkutilliinissamik, malitseqartitsinissamik, ikaarsaariarnermi aqqissuussaqaarnissamik aamma nunaminertamik atuisinnaanermut oqartussat aqutsinerisa aqqissuussaanerisa malittarisassiuunneqarsinnaaneriniq kissaatigineqarnera aamma apeqqutaasussaassapput.

Saqqummiunneqarteq tunngavigalugu pigisanik aalaakkaasunik piginnaatitaaffimmik pissarsisinnaaneq anguniarlugu najugaqartussaataitanermik piumasaqaatip allanngortinnera pillugu killilimmik inatsisiliorluni sulineq nalilerneqarpoq allaffissornikkut isumalluutitik atuinermi AC-ip ukiumut 0,5-1 missaanni atuinissamik piumasaqaatitaqassasoq.

Koruuninngorlugu naatsorsoraanni taanna 0,5-1,0 mio. kr.-nit missaanni naleqarpoq.

Inatsisinik qulaajaaneq, inatsisiliornissamut piareersarnek, inatsisit oqaasertaannik suliaqarneq, tusarniaaneq, tusarniaanermi akissutitik suliaqarneq, oqartussat attuumassuteqartut ataqatigiissarneri aamma ilitsersuusioratarsinnaaneq eqqoriaanermut ilaapput.

Tamanna tunngavigalugu pigisanik aalaakkaasunik piginnaatitaaffimmik pissarsiniarnermi najugaqartussaataitanermik piumasaqaatip allanngortinneqarnera imaluunniit ilutigalugu nunaminertamik atuisinnaanermut akuersissutit aqqissuunneqarneranni siammasinnerusumik aqqissuussisoqarnissaanik, ataavartumik nuunnermi atorunnaarsitsinissaq, nalunaarsukkanik nakkutilliinissaq aamma ingerlaavartumik malitseqartitsinissaq kissaatigarteqarnerisut apeqqutaallutik isumalluutitik tamanik atuinissat Naalakkersuisut nalilersorpaat.

Nunaminertamik atuisinnaanermut akuersissutit pineqartillugit, matumani sivilisnerpaamik ukiuni qulini nunaminertamik atuisinnaanermut akuersissutit aamma ataavartumik nuunnermi atorunnaarsitsisarnerit, Aningaasanut Naalakkersuisoqarfik ima ilisimatitsivoq:

"Pilersaarusiorneq aamma nunaminertat atorneqartarnerat pillugit Inatsisartut inatsisaata nalunaarutaat nr. 4 25. januar 2024-meersoq (Tamatuma kingorna Pilersaarusiortarnermut inatsit) nunaminertamik atuisinnaanerit aamma nunaminertamik atuisinnaanermut akuersissutit pillugit maleruagassat ataatsimoortillugit inatsisip nalunaarutaanni allaaserineqarput.

Allannguutit allaaserineqartut apeqqutitai pilersaarusiornermut inatsisip allanngortinneqarnerani piumasaqaatitaqassapput. Aamma inatsisip atuuttup malunnaatilimmik tunngaviumillu allannguutai uani aamma pineqarput.

Pilersaarusiornermut inatsimmi nunaminertamik atuisinnaaneq aamma nunaminertamik atuisinnaanermut akuersissutit akuleriiaartillugit oqaasertalersorneqarsimasut malugeqquneqarput:

- Nunaminertamik atuisinnaanerit, illunut sanaartukkanullu aalaakkaasunut aallaaviatigut, nunaminertamik atuisinnaanermut akuersissummi allatut allassimasoqanngippat, killiligaanngitsumik nalunaarutigineqartarput.
- Nunaminertamik atuisinnaanermut akuersissutit siuliani allatani allaanerusunik sammisaqarnermi nalunaarutigineqartarput, atuisinnaatitaanermik piumasaqaatitaqartarput, aallaaviatigullu ukiuni tallimani killilimmik atugassiissutigineqartarlutik aammali qinnuteqarnerup kingorna tamanna sivitsorneqarsinnaasarpog. Nunaminertamik atuisinnaanermut akuersissutit inuussutissarsiutigalugu nunaminertamik atuisinnaanermut akuersissutaasartut sivitsuiffigineqarnissaminnik pisariaqartitsineq ajorput.

Nunaminertamik atuisinnaanermut akuersissutit pigisanit aalaakkaasunit aamma sanaartukkanit aallaaviatigut atorneqartussat taamaalillutik killiligaanngitsumik akuersissutilittut nalunaarutigineqartarput. Nunaminertamik atuisinnaanermut akuersissummi piginnittup pigisat aalaakkaasut sananeqarneri aningaasartuutit akulertassavai taamaattumillu aningaasaliiffigineqarnerup qularnaveeqquserneqarnissaanik isumaginnittariaqassalluni, matumani illuut qularnaveeqqusiullugu aningaasanik attartorsinnaaneq ilanngullugu. Kalaallit Nunaanni nunaminertamik atuisinnaanermut akuersissut piginnarniarlugu ullumikkut najugaqarnissamik imaluunniit angerlarsimaffeqarnissamik piumasaqaateqanngilaq.

Maleruagassap allanngortinneqarnerani nunaminertamik atuisinnaaneq aamma nunaminertamik atuisinnaanermut akuersissutit pineqartut akissuteqarnermut tunngavigineqarput.

Inatsisip allanngortinneqarnerani allaffissornikkut aningaasartuutit AC-it ukiuni 1½ - 2 sulinerannut 750.000 kr.-nit - 1 mio.kr.-illu akornanni aningaasartuuteqarfiussasut Naalakkersuisoqarfiup missingiuullugu nalilerpaa. Inatsisinik qulaajaaneq, inatsisinik piareersaaneq, inatsisip oqaasertaanik suliaqarneq, tusarniaaneq, tusarniaanermi akissutinik suliaqarneq, oqartussanik attuumassutilinnik ataqatigiissaarinninneq aamma ilitersuusioratarsinnaaneq missingiuussinermi ilaapput.

Missingiuussinermi inatsisip allannguutaata allaaserineqarnera immikkut ittuummat malunnaatilinnik qularnartoqarpoq. Taamaattumik toqqagassat arlaqartut, inatsisissatut siunnersuusiornermi aalajangiunneqartussaassapput, matumani inatsisissatut allannguummi inuit (ingerlatseqatigiiffiit il.il.) qanoq ilaatinneqartigissanersut aamma inatsisip allanngortinneqarnerani nunaminertamik atuisinnaanermut akuersissutit inatsisip allannguutaata atuutilinnginnerani atuutilereersimasutut nalunaarutiginninnermi ilaassanersut ilanngullugit.

Allannguineq taamaalilluni inatsisitigut ajornartorsiutaasunut attuumassuteqassasog missingiuussinermi ilaatinneqassaaq aamma siunnersuummi aningaasatigut kinguneqaatissat nassuiarneqartussaassapput. Nunaminertamik atuisinnaanermut akuersissutit ukiuni qulini taamaallaat atuuttuunissaannik piumasaqaat

anigaasaliisartut, illuliorluni sanaartukkanut aamma illunik piginnittut qularuteqarnissaannik pilersitsissasoq missingiuunneqarsinnaavoq, tamannalu anigaasaliissutit amerlassusaannut aamma namminerisamik inissialiornernut sunniuteqarsinnaassalluni. Siunnersuut nunaminertamik atuisinnaanermut akuersissutit inatsisip atuutilinnginnerani atuuttuunissaannik aamma imaqassasoq anguniarneqarsimappat, inatsisip allannguutissaa pinngitsaaliissummik taarsiissutitalimmik pigisanik piginnikkunnaarsitsinernik ajornartorsiuteqarnermik kinguneqarsinnaavoq, tamannalu pisortat taarsiissuteqartarnerannut malunnaatilimmik anigaasartuuteqarnermik kinguneqarsinnaassalluni. Taakku qanoq amerlatigissanerannik misissuisoqartariaqassaaq, tassami siunnersuutip oqaasertaanni anigaasatigut kinguneqaatissat nassuiarneqartussaassammata.

Tamatuma saniatigut pisariaqartassaaq, siunnersuummi saqqummiunneqartup kingunerisaanik kommunit Naalakkersuisullu nunaminertanik allaffissornikkut aqutsinermut atatillugu allaffissornikkut nammatassaat qanoq annertutigisumik annertuseriassanersut misissorneqartassasoq. Tunngavittut saqqummiussaq tunngavigalugu taakku eqqoriaruminaapput, taamaattorli inatsisip siunnersuutigineqartutut kommuninit aqunneqartussaassaaq, tamannalu annertussusia pisariususialu apeqqutaatillugit kommuninut malunnarpiannngitsunik anigaasartuutininik pisariaqartitsilersinnaavoq.

Tamatuma saniatigut tunngaviatigut oqaatigineqassaaq, taamatut suliasamat sulisussanik pissarsiniarneq ajornartorsiutitaqarsinnaassaaq Namminersorlutik Oqartussani kommuninilu."

Apeqqu 2: Piumasaqaatit atuutilersinneqarneranni, uppersarsarneqartarneranni nakkutigineqartarnerannilu Naalakkersuisut, kommunit kiisalu nalunaarsuiffiit oqartussalluunniit attuumassutillit ataasiartumik anigaasartuutissaat ingerlaavartumillu allaffissornikkut kingunerisassaat qanoq annertutigisut naatsorsuutigineqarpat?

Akissut: Pigisanik aalaakkaasunik piginnaatitaaffimmik pissarsineq imaluunniit atuisinnaatitaaneq eqqarsaatigalugit ataasiartumik anigaasartuutit inatsisissatut siunnersuusiornermut aamma inatsit pillugu oqaaseqaasiornermut, atuuttup nalimmassarneranik nalilersuinnermut, oqartussat aamma kattuffiit attuumassutillit tusarniarnerinut, tusarniaanermi akissutinik suliaqarnermut kiisalu ilitersuutit nalimmassaratarsinnaanerinut aamma suliffeqarfiup iluani suliatinnut atorneqartussaassapput.

Ukiuni tallimani najugaqartussaataitaanermik piumasaqaatip najugaqarnermik uppersarsaasersuinissamik, inuit allattorsimaffianni nalunaarsortissimanermik aamma akileraartartussaataitaanermik piumasaqaateqartariaqassaaq. Aaqqiissut atuuttoq naapertorlugu qinnuteqartup suliap paasissutissartaani taakku ilisimatitsissutigissagai piumasaqaataareerpoq, aamma Naalakkersuisut qinnuteqartoq qinnuteqaatip nalilersornissaanut atugassanik uppersarsaatinik paasissutissanillu saqqummiusseqqusinnaavaat.

Allannguut massakkut piffissamik ukiut marlunniit tallimanut sivitsuinissamik taamaallaat imaqarsimappat, allaffissornikkut kingunissat ingerlaavartut killilimmik kinguneqaateqarfigineqassasut Naalakkersuisut naliliipput. Uppersarsaatit assingisa

atorneqartarnissaat aamma aaqqiissut atuuttoq naapertorlugu nalilersuisarneq sapinngisamik pineqarnerinik tamanna peqquteqarpoq.

Paarlattuanilli siammasinnerusumik nakkutilliineq atuutilissappat, matumani sumi najugaqarnermik, nuunnermik imaluunniit pisinnaatitaaffinnik attassiinnartariaqarnermik ingerlaavartumik nakkutilliisoqalissappat, allaffissornikkut kingunerit amerleriarsinnaassapput.

Ataatsimut oqaatigalugu Naalakkersuisut naliliipput, siunissami qinnuteqaatit piumasaqaatissai piumasaqaatini nutaani ilanngunneqassappata imaluunniit ingerlaavartumik nakkutilliisarneq, malitseqartitsisarneq aamma atorunnaarsitsinissamik aalajangiisarnerit aaqqiissummi sorliit atorneqarnissaat apeqqutaallutik allaffissornikkut ingerlaavartumik kinguneqaatissanut taakku sunnuteqartussaassapput.

Apeqquut 1-imut akissutit aamma innersuussutigineqarput.

Nunaminertamik atuisinnaanermut akuersissutit, kommunit nunaminertamik atuisunik nalunaarsuiffii, nunaminertamik atuisinnaanermut oqartussat allaffissorneri aamma ataavartumik nuunnermi atorunnaarsitsisarneq pineqartillugit Aningaasaqarnermut Naalakkersuisoqarfik ima ilisimatitsivoq:

"Massakkut tunngavigisaq aallaavigalugu ataasiartumik aningaasaliinissamut imaluunniit inatsisip allanngornerata kingunerisaanik allaffissornikkut ingerlaavartumik kinguneqaatit pillugit eqqoriaasoqarsinnaanngilaq. Taamaattorli piviusumi aningaasartuuteqarumaarpoq, naak taakku qassioqqissaarnissaannik eqqoriaasoqarsinnaanngikkaluartoq.

Aningaasartuuteqarnerunermi kommunit pingaarnertut eqqorneqassapput, taakkumi pingaarnertut nunaminertamik atuisinnaanermik oqartussatut aqutsisuusarmata.

Siullertut illuutillit, suliffeqarfiutillit il.il. illuutimik, inuussutissarsiutimi illuutaasa il.il. ukiuni qulini tullerni nunaminertamik atuisinnaanerminnut akuersissutinik nutarterisussaananerannik ukiut qulikkaarlugit qinnuteqaqqittarnerinik allannguut kinguneqartussaassaaq. Kommuninut, innuttaasunut aamma suliffeqarfinnut tamanna malunnartumik allaffissornerulernermik kinguneqassangatinneqarpoq, suliammi taakku suliarineqartarneri, aalajangersaaffigineqartarneri kiisalu naammagittaalliutit suliassartaannik suliaqartarneq allaffissornikkut artukkiissammat. Taamatut artukkiineq inatsisissanngorumaartussap qanoq immikkuualuttortaasa amerlatiginissaannik aamma suliassartaasa amerlatiginissaannik tunngaveqarumaarpoq, matumani inatsit qanoq digitalinngortinneqarsinnaanermiut piukkunnaateqarnera ilanngullugu. Oqaatigisaq kingulleq ima paasineqassaaq; inatsit eqqoriaanermik tunngaveqassanngilaq, piumasaqaatilli aalajangersimasut aalajangersakkallu tunngavigissavai. Inatsisip massakkut atuuttup assinganik ilusilersuisoqassappat, pingaaruteqanngitsunik eqqoriaanerit amerlassusaanik aalajangersaanissaq pisariaqartussaassasoq eqqoriaasoqarpoq.

Taassuma tulliatut kommunit nussortunik ingerlaavartumik nakkutilliisariaqalissapput, nunaminertamik atuisinnaanermut akuersissutit utertinneqarnissaannik suliat aallartissinnaajumallugit.

Utertitsineq ataaseq innuttaasut suliffeqarfiillu ingerlaneranut immikkut ittumik akuliunneruvoq, tassami pisinnaatitaaffiup atorunnaarsinneqarnissaanik tamanna siunertaqartarmat. Taamaattumik suliat aklerliissuteqarnissamik aallartitsinnaapput. Nunaminertamik atuisinnaanermut akuersissutinut nalunaarutigineqareersunut akuliunneq, soorlu oqaatigineqareersutut, pinngitsaaliissummik taarsiissutitalimmik pigisanik piginnikkunnaarsitsinermik ajornartorsiortitsilersinnaavoq, tamannalu tamakkiisumik taarsiiffigitinnissamik piumasaqarnermik kinguneqarsinnaalluni.

Allatut pisuni illuutip pinngitsaaliissummik tuniniarneqarnissaannik piumasaqarnermik kinguneqarsinnaavoq, tamannalu innuttaasunut suliffeqarfinnullu aningaasatigut annaasaqarnermik kinguneqarsinnaalluni. Malittarisassanik avaqqutarinninniarnit aamma misilerarneqarsinnaalissapput, soorlu isertorluni akunnermuliuttartunik atuisoqartalerluni, tamannalu malittarisassat imartoorujussuit nakkutigineqarnerinik kinguneqarsinnaavoq, tassami malittarisassat eqaatsumik assigiiaartumillu atuutsinniarneqartussaassammata. Oqaatsit "ataavartumik nuunneq" inatsisitigut oqaasertalersorniarlugit ajornakusoortuupput tulliatullu allaffissuutiginiarneri ajornakusoortuullutik, tassami soorlu Kalaallit Nunaata avataani napparsimasutut katsorsartinnermut atasumik piffissami sivisuumi katsorsartinneq, ilinniarluni imaluunniit sulilluni atasumik piffissami sivisuumi najugaqarallarneq nuuttutut isigineqassanersoq isummerfigineqartariaqartarmata.

Taamaattorli allannguut Naalakkersuisut allaffissorneranni aningaasartuuteqarnerulernermik aamma kinguneqarumaarpoq, tassami Naalakkersuisut tassaapput pilersaarusiornermut inatsit naapertorlugu kommunit aalajangigai pillugit oqartussanut naammagittaalliortarfiit. Inatsisitigut isumannaatsuunissaq eqqarsaatigalugu taamaalilluni qinnuteqartut nunaminertamik atuisinnaanerminnut akuersissutit sivitsorniarnerinut qinnuteqaatimik itigartinneqarnerisa kingunerisaanik aningaasatigut imaluunniit inuttut malunnaatilimmik kinguneqaateqartut, aallaaviatigut naammagittaalliornersa suliarinissaannut isumalluutininik amerlasuunik immikkoortitsisoqartariaqassaaq. Suliat eqqartuussivikkoorlugit suliasanngortitat aamma IT-ip aqqissuussaananeramik tapersorsorneqarnissaannik piumasaqaatinik aamma kinguneqassanganerqartut. Taakku imminni inerisaanissamut malunnartumik aningaasartuuteqarnermik piumasaqaatitaqassapput."

Apeqquut 3: Suliassaq aningaasaliissutit pioreersut iluanni ingerlanneqarsinnaava, aamma aqqissuussinerit assingusut, siusinnerusukku inatsisiliornerit imaluunniit § 37 naapertorlugu akissutit siusinnerusukku tunniunneqarsimasut sorliit, Naalakkersuisut naliliinerat naapertorlugu, isumalluutininik atuinissap missiliorneqarneranut tunngavissatut atorneqarsinnaappat?

Akissut: Pigisanik aalaakkaasunik piginnaatitaaffimmik pissarsinermi imaluunniit atuisinnaatitaanermi najugaqarnissamik piumasaqaatip ukiunik marlunnik killeqarnerata ukiunut tallimanut allanngortinneqarnera, Naalakkersuisoqarfiup akisussaasup nalinginnaasumik suliaasa iluanni tamanna pingaarnersiorneqassappat, inatsisissamik piareersaalluni aallartitsinertut nalilerneqarpoq, aningaasaliissutitummi atuuttut iluini aallaaviatigut aallartinneqarsinnaammat. Allatut oqaatigalugu, suliniutit allat kissaatigineqartutut pingaarnersiorneqareersut pingaarnerutikkunnaamisariaqassapput.

Taamaattorli tunngavilersuutit saqqummiunneqartut inaarutaasumik aalangiunneqarsinnaanngillat, aningaasaliissutimmi pioreersut iluini suliassat

tamarmik aallartinneqareersut suliarineqarsinnaassammata. Pigisat aalaakkaasut illuutit pillugit killilersuiffigineritut allannguut allanngorneqassanersoq imaluunniit ilutsillugu nunaminertamik atuisinnaanermut akuersissutit pillugit aaqqiussusaq siammarlugu, ataavartumik nuunnermi atorunnaarsitsisoqartassanersoq, nalunaarsukkanik nakkutiginnittoqartassanersoq aamma ingerlaavartumik malinnaasoqartassanersoq kissaatit ilanngunneqassanersut apeqqutaassapput.

Sanilliussinissamut tunngavilersuutitut pingaartumik sammisanut 70-72-nut oqaasertat nr. 4, Aningaasaqarnermut Akileraartarnermullu Ataatsimiititaliamit ulloq 31. januar 2025-mi akuereqartut aamma tamanut ulloq 1. februar 2025-mi saqqummiunneqartut, atorneqarsinnaapput, pigisanik aalaakkaasunik piginnaatitaaffimmik pisisarnek imaluunniit atuisinnaatitaaneq pillugu Inatsisartut inatsisaata suliarineqarnerani suliasartat, inatsissap aningaasatigut allaffissornikkullu kingunissaasa nalilersorneqarneri, kiisalu aaqqiissut attuuttoq naapertorlugu suliffeqarfiup iluani suliat akuersissuteqartarnermut tunngasut aqunneqarnerinik misilittakkat.

Nalimmassaanerup atuuttup suliarineqarnerani, suliat Naalakkersuisunit akuersissuteqarfigneqarnissaminnik pisariaqartitsisut amerlassusai killilersorneqassasut aamma massakkut aningaasaliissutaasut iluini allaffissuutigineqarsinnaaneri nalilersorneqartarumaartut, naliliisoqarpoq.

Pigisat aalaakkaasut pillugit Inatsisartut inatsisaat apeqqutit akissutaasa ilaattut sanilliussassatut tunngavigalugu atorneqarsinnaavoq. Tamannali nunaminertat akuersissutaasa sivisunerpaamik ukiuni qulini atuuttarnissaannik imaluunniit ataavartumik nuunnermi atorunnaarsinneqartarnissaannik aningaasanik allaffissornikkullu kinguneqaatissat nalilersornerinut tunngavittut naammagineqarsinnaanngilaq.

Naalakkersuisut tamanna tunngavigalugu nalilerpaat periutsip toqqarneqartup qanoq ittuussusaa apeqqutaajumaartoq allaffissornerup qanoq isikkoqarsinnaaneranut. Pigisanik aalaakkaasunik piginnaatitaaffimmik pisisarnermi najugaqartussaataitanermik piumasaqaatip killinginik allanngorneqarnera isumalluutinik eqqoriaanermi ikinnerpaaffissamiittariaqartoq naatsorsuutigineqartariaqassaaq. Aaqqiissut siammasinnerusoq nunaminertamik atuisinnaanermut akuersissutit piffissamik killilimmik, ataavartumik nuunnermi atorunnaarsitsinerit, nalunaarsukkat nakkutiginerinik aamma ingerlaavartumik malitseqartitsiviusartumik aamma imaqartut, isumalluutinik malunnaatilinnik amerlanerusunik ilaqarnissaat naatsorsuutigineqartariaqassapput. Suliniutit allat immaqa aamma attuumassuteqarnerusut pingaarnersiorneqarnerini tamanna eqqarsaatigineqartariaqassaaq.

Aaqqiissutit sanilliunneqarsinnaasut, inatsisinik siusinerusukkut suliarineqarsimasunik aamma nunaminertalerinermut aningaasaliissutit pillugit Aningaasaqarnermut Naalakkersuisoqarfik ima ilisimatitsivoq:

"Aaqqiissut siammasinnerusoq piviusunngortinneqassappat, malunnaatilimmik aningaasatigut allaffissornikkullu kinguneqaateqarumaarpoq. Inatsisinik piareersaanermut aningaasartuutit saniatigut aaqqiissut kommunini nunaminertanut atuisinnaanermut pisinnaatitaaffiit suliareqqinnerinut, nuuttartut nakkutiginerinut, nakkutilliinermut, aalajangiisarnermut aamma naammagittaalliutinik suliaqarnermut ataavartumik aningaasartuuteqarnerunermik kinguneqaateqassapput. Taassuma assingamik Naalakkersuisut naammagittaalliorfittut, IT-mik atortut pisarialimmik

iluaqutissaannik ingerlatsinermut inerisaanermullu amerlanerusunik aningaasartuuteqarnissaminnik naatsorsuuteqartariaqassapput. Taakku saniatigut taarsiivigitinnissamik piumasaqaateqartoqaratarsinnaavoq, pisinnaatitaaffiit nalunaarutigineqareersimappata, aamma innuttaasut suliffeqarfillu aningaasatigut annaasaqaratarsinnaallutik. Nunaminertamik piffissami killilimmi atuisinnaanermut pisinnaatitaaffiit aamma inissialiornissamut inuussutissarsiortullu illuliornerinut aningaasalersuinissat aningaasaliinissallu aamma qularineqalernerinik kinguneqarsinnaassallutik. Sutigut tamatigut aningaasartuuteqarneruneq tunngavittut saqqummiussami immikkut naatsorsuiffigineqarsinnaanngilaq, taamaattorli aningaasaliissutit pioreersut iluini akileneqarsinnaassanngitsoq naliliisoqarluni.

Naalakkersuisoqarfik, isumalluutit eqqoriarneqarnissaanik tunngaviliisinnaasumik, aamma siunnersuutip assinganik siusinnerusukkut saqqummiussisoqarsimaneranik ilisimasaqanngilaq.”

Neriuppunga matuma qulaani apeqqutitit akineqarsimassasut.

Inussiarnersumik Inuulluaqqusillunga


Iddimangiu Jensen Bianco